

吳興叢書

台灣鄭氏始末

全

K204.5
1

喜 臺 變 變
氏 始 末
卯 歲

台湾郑氏始末 一函
宝前两溪志略 三册

编著：〔清〕沈 云
吴 玉 树

出版：文物出版社

北京五四大街29号

印刷：韩营大队装订厂

北京大兴县

发行：新华书店北京发行所

浙江图书馆藏版

一九八六年十二月木板刷印

定价：二十九元

统一书号：17068·1533

吳興劉氏
嘉業堂刊

敘

道光丙申歲余在京師偶從藏書家假得閩人江日昇
臺灣紀事本末四十九篇敘天啟甲子歲鄭芝龍倡亂
至康熙癸亥其曾孫克塽投誠而止凡十數萬言頗爲
詳盡惜體類小說辭不雅馴余因參攷他書刪其繁蕪
加以潤色其事蹟年月少有不合者則姑仍之蓋疑以
傳疑古人所尙自非身親目接者固未見彼之爲是而
此之爲非也書旣成析爲六卷題曰臺灣鄭氏始末并
識其緣起於簡端云是年冬十一月德清沈雲自敘。

臺灣鄭氏始末卷一

陳興叢書

德清沈雲撰

烏程漚 商桂

臺灣懸大海中北界彰化之雞籠城

在縣極北海中

南界鳳山

之砂馬磯

縣東南二百三十里

縱輪近三千里東背山西面澎湖

島在臺灣縣西五十里海中臺灣廢城在今縣西南

舊稱澎湖之東為毗舍邪國

或曰昆舍那國袒果睢于習鏢弩宋淳熙閒嘗有酋眾

肆掠泉之水澳

寨即永甯衛

圍頭

鎮在晉江縣南一百里

等處明嘉靖

年都督俞大猷嘗迫海寇林道乾於澎湖道乾窮入臺不樂其土恣殺番眾以血膏艇棄之占城而臺地之闕

實自鄭芝龍父子芝龍南安人父紹祖為泉州府胥芝

龍嘗兒戲擲瓦牆外誤中知府蔡善繼冠折左翼趣執

既至奇其狀而縱之長益矯不羈道廣東香山澳傳市
舶之日本豔翁氏女年十七暱焉不反會海澄亡命顏
思齊爲甲羸蓋彼夷所立以統華人者也豐積好施貸
與晉江販者楊天生善天生謂日本達閩粵遼句驪得
之可以自大轉鳩洪升陳德張宏陳勳等二十八人長
思齊而芝龍年少爲之殿日本故於海隘置礮臺列卒
更戍因謀閒不意脅殺戍者還礮車內嚮發徒眾縱火
板屋乘昏夜襲取要害分奇席卷隱祈天地盟約定天
啟四年夏六月將發翁氏婦夢巨魚觸膺生子男也眾
往賀因誡芝龍勿疏秘於婦人曰何至是是非夫矣而
同盟李英已醉不謹妻倭女王氏覺告而翁氏父翼皇

先奔告芝龍曰殆已王兵將至乃速思齊等駛大艇來

風遜已說凡艇十三思齊欲之舟山

今定海縣

陳德謂密邇

鄉土各歸耳難有固志不若風利駛臺灣便僉曰善入
晝夜乃至計撫土番立寮寨以時出獵海上時紹祖已
先死其羣從子姓歸者踵接而思齊以五年秋九月獵
諸羅山反病死咸薦於皇天后土卜以磁質杯二曰邦
伯不祿莫長莫君天庶新造賚一人以乂受祐那哉則
一俛一叩而無小損者從祝已乃次年擲杯眾罔協末
至芝龍允如祝眾盟曰盍再乃數十試皆俛叩協且完
眾謹曰天與之眾庇之矣東六年春正月旬有八日受
終芝龍固辭乃就令曰茈茈懼不勝敦顏駕茲弗政曷

俾孰綱紀黜賞惟平孰斤農食居者行者咸賴孰司工
肆庀廬艦甲兵惟良孰修律度書識別旗表惟察孰肄
戰陳進止坐作攻守惟備孰典祭賓飾辭令盛聲容豫
占候巽條故咸周孰安上下徠豪俊聖邪謂納規誨克
均無隱其柬十八人任仔棐予以符旬有八日之應上
帝享予咸休其或不享咸劉咸其戒哉命不貳柬不以
實受而僨不濟者差罰勿赦柬而身覺不任者讓免芝
龍乳字一官至是更焉更其弟芝虎芝豹芝鵬芝燕餘
十三人皆以芝敘二月以楊天生洪升參軍事楊經李
英總饒軍陳勳林翼督造戰艦陳德張宏爲監軍芝龍
帥艇十艇各軍士六十偵事艦二艦各二十五人儲一

月糧於三月犯金門

即浯洲嶼同安縣東南五十里海中

又犯廈門

即嘉禾嶼

同安縣西南

夏四月犯廣東靖海

在潮之惠來縣東少南六十里

甲子

舊在惠之海豐縣東南一百五十里今陸豐縣東南一百里

二所所設指揮千百戶

轄軍士無禦寇者徒馳羽檄報寇執鋒盛不可當當事

悚懼上聞或以蔡善繼嘗善芝龍說巡撫為招安計即

起善繼泉州巡海道持撫臣朱欽相檄遣旗鼓黃昌奇

入海芝龍方燁滌戰艇於湄州

在莆田縣東南九十里海中

稔昌奇

故亦泉府胥與紹祖善重不忍違善繼意允就撫而陳

德等皆不欲乃別六艇遣還臺灣俟後命而自與羣從

統十二艇眾八百餘人入泉州港謁蔡會欽相疾月餘

不報芝虎因說曰撫臣意不測速去之便芝龍猶豫且

重負蔡虎又曰書生耳弇事體不速將及即夕駕汐出

泊圍頭外灣部羣從厲兵攻海豐下之又攻嵌頭莆田縣東

六十又連破甲子靖海二所七年春正月還泊漳浦之

舊鎮縣東巡撫朱一馮檄都司洪先春等會戰於將軍

澳縣東先春還舊鎮芝龍屯六鰲外嶼縣東南偵先春

檄調鎮海衛城在縣東懸鐘銅山西南詔安

詔安縣東六鰲鎮海西南各衛所軍士兼募沿海鄉勇芝豹

夜率二百人持海豐所獲鄉勇旗幟乘岸雜鄉勇中以

待越日先春出港口戰芝虎不勝芝豹起岸上夾擊之

先春大敗遜金門一馮即令金門遊擊盧毓英會勦芝

龍令羣季伴為商船並小艇唱漁歌分伏島嶼閒而自

領數艇迎戰毓英少之芝龍復佯敗毓英駛進伏出弓
弩齊發遂禽毓英芝龍以禮遣還屬道嚮者就撫意毓
英還廈門謁都督俞咨皋言芝龍可撫狀咨皋者大猷
子也怒責毓英毓英至泉復以可撫狀告知府王猷猷
心是之而咨皋已至一馮所罪毓英失機繫獄更檄千
戶馬勝百戶楊世爵擊芝龍至將軍澳中伏皆死咨皋
又檄副總兵陳希范遏戰於杏仔又敗洪應斗張選舉
沒焉咨皋大慚調閩安鎮在閩縣東四十里興化永甯衛城在晉江縣東南
六十里銅山六鰲縣鐘鎮海金門諸軍將會議中左所即廈門
芝龍偵諸將惟王飛熊林盛李夢斗精水戰餘子碌
碌不足數乃分十艇爲前鋒分八艇出青水溝約日中

由東碇會分四艇左右翼而自帥中軍六艇策應夜先發及旦遇咨皋軍芝虎鼓前鋒壓之戰林盛李夢斗至日中不決芝龍乘閒橫擊而東碇艇新軍奮起咨皋急麾分敵而諸將誤謂退師遂大亂芝龍縱擊軍將溺失無算咨皋逃入廈門遽令指揮傅珪統十五艇抵禦南山芝龍至又大敗之咨皋逃三汊河在舊鎮東北龍溪縣東南先是朱欽相撫海寇楊六楊七咨皋實主其議及中左之戰皆率眾先逃漳州工科給事中顏繼祖劾咨皋希范逮問崇禎元年王猷復以撫議說巡撫熊文燦文燦下巡道鄧良知識議問誰可使芝龍者猷以毓英對卽白文燦自獄中釋之使往方是時楊六楊七叛烏洋劉香老擾

惠潮南澳

在詔安縣西南百餘里饒平縣東南一百六十里海中有三城去懸鐘澳口三十餘里

褚彩老劫沿海李魁奇攻掠澎湖遼羅等處最橫魁奇

惠安漁人能竟日行水中初聚眾澎湖候劫呂宋國船

陳德等回臺灣聞芝龍受撫不決以眾來會至澎湖為

魁奇所劫德及楊天生等皆死免歸臺灣者惟李英與

通事何斌芝龍聞之大恚秋九月毓英說芝龍降徧賂

當事皆喜遂詐以義士鄭芝龍收復鄭一官奏聞一官芝龍

乳名詳見前官為防海遊擊復盧毓英監其軍芝龍曰世無

君子天下皆可貨取耳陳平之間項也黃金勝百戰矣

二年夏四月芝龍攻殺魁奇於遼羅取其首祭陳德等

盡降其眾六月遂斬楊六楊七於浯洲港即金門秋八月

褚彩老寇閩安芝龍追滅之於南日

山在興化府城三東百里大海中

年夏五月遣弟芝燕往日本迎婦翁氏及所生子而倭婦先未有入中地者不許芝龍命統戰艦數十逼竟上乃以所生子先歸年七歲芝龍喜其貌偉名之曰森字曰大木能讀書稍長通春秋左氏傳及孫吳兵法喜擊劒馳射時時東嚮咨嗟念母氏諸昆弟或有侮之者獨叔父鴻逵深器焉事諸母趙氏無閒年十五補南安縣學生香老寇小垵

寨在連江縣東百二十里南接南日山爲連江門戶

芝龍擊之

遂再寇長樂及海豐當事以撫芝龍故事遣惠潮分守道洪雲蒸巡道康承祖參將夏之木張一傑入海招香老需重賂皆被執八年春三月兩廣總督熊文燦福建

巡撫鄒惟瑋檄芝龍討之香老時屯甲子脅雲蒸同舟

距師夏四月遇於田尾洋

當即田尾澳之外洋澳在碣石衛西門外可泊

出雲

蒸以撼芝龍雲蒸大呼曰當事非夫我則死急擊勿失

香老怒刃之遯是夜芝龍泊赤澳

即赤嶼近南澳

計香老必乘

潮至令芝虎芝豹伏眾艦前澳

當即錢澳在潮陽縣東南二十里碣石在甲子

西甲子東為錢澳又東為赤澳赤澳近柘林

浮水寄旋已而果至大戰至日

中芝虎手盾口利刃援登檣巔近香老大艇躍而過搏

將刃之左隊艦未之見也然礮擊大艇虎與香老俱焚

死芝龍盡俘其眾還承祖之木一傑求芝虎尸五日不

得大勳徒招以祭十二年夏六月荷蘭國將郎畢吉里

哥連犯閩浙所至莫禦號曰紅夷軍夷精機巧用火器

多奇中乘巨艦曰夾板堅質密護銃礮矢石無所施故
我軍印攻多敗失芝龍奉檄令芝豹東善泗水軍要瓠
笏乘小艇實茅薪神煙礮石神沙毒火而艇之首腋錠
狼牙銳釘相風水執駛抵彼艦不可拔然火浮水逸因
是焚其五艦餘遜去或表芝龍累多前虜於朝且善制
敵乃進總兵再進福建都督鴻逵授副總兵鎮南安贛
州荷蘭國王之弟曰揆一王因郎畢吉里哥敗歸請再
舉不許請中占一島地以通往來伺閒隙乃許揆一王
略地至臺灣遇何斌喜甚命爲甲螺度形勝築城於七
鯤身山在鳳山縣西北自打鼓山穿田過港逶迤六十餘里平地中結爲七峯如鯤魚鼓浪故名之
首曰臺灣城外列礮臺更築小城於對岸曰赤嵌城屬